



## PARS QUARTA

*De his , quæ Parochum  
perficiunt in ordine ad Pro-  
ximum.*

### CAPUT I.

*De necessitate , quam habemus , cu-  
randi Salutem Proximi.*

**E** Rue eos , qui ducuntur ad mor-  
tem ; & qui trahuntur ad in-  
teritum , liberare ne cesses , si dixe-  
ris : vires non suppetunt , qui in-  
spector est cordis , ipse intelligit , &  
scrutatorem animæ tuae nihil fallit ,  
reddetque homini juxta opera sua.

*Pro-*

*Proverb. 24.* Multi præclara talenta in publicam Reipublicæ Christianæ utilitarem erogando à DEO acceperunt , qui tamen amore quietis & solitudinis ea sæpe in terram defodiunt,nec ullam proximi Curam in se recipere volunt ; quibus meritò S. Augustinus accommodat Evangelicam illam parabolam de servo Pigro & inutili *Matth. 25.* qui acceptum talentum,quod in Domini sui utilitatem impendendum erat , signis in terram defudit , timens ne forte negotiando illud perderet , & gravem Domini sui,quem sciebat hominem esse durum & austерum,indignationem incurreret ; Verùm revertente Domino tanquam servus

vus nequam & inutilis in tenebras exteriores ejectus est & detrusus : additque S. Doctor : *Hi pigri hujus servi exemplo sapiant : non enim aliam ejus condemnationis causam legimus , quam quod talentum acceptum elocare omiserit.* Scilicet cui multum datum est , multum queretur ab eo ; & cui commendaverunt multum , plus petent ab eo. *Luc. 12.* Cum enim auggentur dona , rationes etiam crescent donorum , ut testatur S. Gregorius *Homil. 9.* In Evang. quamvis enim inficiari nemo possit , teneri unumquemque imprimis curam gerere propriæ suæ salutis , & à Curâ aliorum abstinere in casu , quo post accuratam naturæ suæ inspectionem ,

&amp;c

& maturam cum viris prudentibus deliberationem deprehendit eam conditionem fore saluti propriæ noxiā & periculosam : nihilominus negari etiam non potest, sæpe numero intervenire inanem quandam meticulositatem & formidinem , sive potius fraudem & dolum inveterati serpentis, invidentis DEO gloriam , hominibus salutem , & , quæ Ecclesiæ exinde accrescere possit , utilitatem . Cum enim DEI omnia perfecta sint opera , hoc ipso , quod statum aliquem in Ecclesia sua instituerit , particulares illi quoque gratias præparavit & auxilia ad perfectionem in illo statu esse quendam opportuna : neque D E U S aliquem ad ejus-

ejusmodi vitæ statum vocare & dirigere solet, quin simul convenientia eidem remedia, vires & auxilia largiatur ad finem illius obtinendū necessaria, sicut egregie probat tum authoritate Scripturæ, tum etiam ratione S. Thomas. 4. *distinct.* 24. q. 1. *Art.* 2. **ad 1.** Unde si quis omnibus ritè ac prudenter consideratis ad statum Pastoralem se à DEO vocatum judicet, non est, quod vanâ ab eo formidine, & inanibus dia-boli terriculamentis se absterrei-sinat; cùm fieri possit per spe-cialia auxilia sancto huic statui annexa DEO ipsum protegente, ut minùs in Confessionali, alijs-que functionibus publicis, quàm Monachus aliquis in Cellula sua

ab-

absconditus , & muris undique  
cinctus temptationibus infestetur,  
præsertim si ipse sibi etiam non  
desit , & media superius à no-  
bis allata usurpare non intermit-  
tat.

---

## CAPUT II.

### *De Exemplo bonæ Con- versationis.*

**E**xemplum esto fidelium in ver-  
bo , in conversatione , in Cha-  
ritate , in fide , in Castitate . 1. Ti-  
moth. 4. Ut verbum Parochi ,  
quod ex suggestu declamat , fru-  
tiferum sit & efficax , exemplo  
id confirmare debet , non alieno , sed proprio & domestico :  
quia

quia ad amorem cœlestis Patriæ homines magis incitantur exemplis quàm prædicamentis, & nihil est, quod alios magis ad pietatem & DEI cultum assiduè instruat, quàm eorum vita & Exemplum, qui se divino Ministerio dedicarunt: cùm enim à rebus sacerdotali altiorem sublati locum conspiciantur, in eos tanquam in speculum reliqui oculos coniiciunt, ex ijsque sumunt, quod imitentur, ut inquit Tridentinum Sess. 22. de reform. cap. 1. Ubi notandum, quod vita Sacerdotum exemplaris dicatur instruere assiduè: qui enim linguâ tantum docet, instruit solum, quando os ad docendum aperit: qui verò bonæ conversationis exemplum præfert,

fert, tacente etiam lingua assidue  
& sine intermissione illos erudit,  
in quorum oculos vita illius in-  
currit. Habet verò vita exempla-  
ris Parochi triplicem effectum:  
Primus est, quod demonstret esse  
possibile, atq; etiam facilè practi-  
cabile id, quod à Parocho pro Cō-  
cione dictum est, juxta illud S.  
Bernardi Serm. de S. Benedicto:  
*Sermo vivus & efficax exemplum  
operis est, plurimum faciens suasi-  
bile, quod monstratur factibile.* Et  
Theophila&t. in *Luc.* *Quando  
docens facit, quæ docet, allevat  
onera, exemploque suo consolatio-  
nem adfert Discipulis: quando au-  
tem nihil horum facit, quæ docet,  
tunc quæ docet, gravia onera vi-  
dentur Discipulis.* Secundus ef-  
fectus

fectus boni exempli est , quod Parochus ille ostendat doctrinam à se traditam esse omnino ad evitanda inferni supplicia, & ad salutem consequendam necessariam. Si enim ipse quæ docuit , in se exprimere negligat , plures intra se ita ratiocinabuntur : Si vera essent & ita necessaria quæ dicit , sanè ipsem et melius ea observaret : Si fornicatio excluderet à regno Cœlorum , cur ipse domi suæ concubinam aleret ? Quare S. Hieronymus Nepotianum Clericum ita monet : *Non confundant opera tua sermonem tuum ; ne , cum in Ecclesia loqueris , tacitus quilibet respondeat : cur ergo hæc , quæ dicis , ipse non facis ? delicatus Magister*

G

est ,

est, qui pleno ventre de jejunij disputat, accusare avaritiam & latro potest. Sacertotis Christi os, mens, manusque concordent; quia perdit authoritatem docendi, cuius sermo opere destituitur. Tertius bonæ conversationis effectus est; quod Parochus vitia liberè & sine rubore tam publicè quam privatim reprehendere audeat & multare: qua dicendi libertate destitutus est, qui vitam degit infamem: cum semper time re debeat, ne passim ipsi occinatur vulgaris illa cantilena: *Meditice cura te ipsum: in quo enim judicas alterum, te ipsum condemnas: eadem enim agis quæ judicas.* Rom. 2.

CA-

## CAPUT III.

### De Oratione.

**O**Rate pro invicem, ut salvermini. Jacob. 5. Inutilis & sine fructu existit omnis Parochi conatus & labor, nisi eum DEI benedictio & gratia præveniat ac sequatur: Nam neq; qui plantat est aliquid, neq; qui irrigat, sed qui incrementum dat D E U S. I. Cor. 3. Ut verò hanc DEI uberm benedictionem in laboribus suis experiatur, instanter & assiduè ipsi orandum est tum profice ipso, ut minister idoneus existat, tum etiam pro sibi commissis, ut ad fructum exinde

percipiendum sufficienter se disponant. Præivit in hoc nobis sanctissimo exemplo suo Princeps Pastorum Christus JESUS, quando pro salute suorum Patrem Cœlestem ita precatus est *Joan. 17. ego pro eis rogo, non pro mundo rogo, sed pro his, quos dedisti mihi, ut sint unum. Pater sancte serva eos in nomine tuo. Pater quos dedisti mihi, volo, ut ubi sum ego, & illi sint mecum, ut videant claritatem meam &c.* Oratione etiam inter alia media familiariter usus est S. Paulus in conversione Gentium, ut ipse fatetur *Rom. 1. cum ait: Sine intermissione memoriam vestri facio semper in orationibus meis. & Coloss. 1. non cessamus pro vobis orantes*

tes & postulantes, ut adimpleamini agnitione voluntatis ejus. Notissima quoque est illa Oratio S. Francisci Xaverij: *Æterne rerum omnium effector DEUS &c.* Quam pro Ethnicorum & peccatorum conversione quotidie ad DEUM Patrem fudit, non sine maximo animarum fructu.

Orandum verò est imprimis Parocho, quando Cathedram est consensurus ad docendum populum, ut DEUS aperire dignetur corda Auditorum, sicut olim aperuit cor Lydiæ mulieris intendere his, quæ dicebantur à Paulo. *Act. 16. Secundo* quotiescunque Sacramentum aliquod administrabit, maximè autem

cum Pœnitentium confessiones excipiet , ut DEUS illis largiri velit cor contritum , & omnem noxam erubescientiam auferre , ipsique Parocho concedere Spiritum Consilij & discretionis, ad dirigendos pœnitentes in viam salutis. *Tertio* , quando accedit ad offerendum DEO incruentum Sacrificium : Hoc enim Parochianis certis temporibus applicandum esse , & in eo pro salute illorum orandum docet

Trident. *sess. 23. de reform. cap. I.*

\*\*

CA-



## CAPUT IV.

### *De Zelo animarum.*

**O**ptabam ego ipse anathema esse à Christo pro fratribus meis. Rom. 9. Definitur zelus animarum : intensus justi DEUM verè amantis affectus , quo diligentissimè quærit honorem DEI ac proximorum salutem , & quidquid his duobus opponitur , fortiter constanterque repellit. Illius aëtus sunt , Primo vehe mens & ardentissimum votum , quô omnium quidem , maximè verò illorum , qui nobis coñissi sunt , salutem desideramus & ex

petimus. Secundo seria recogitatio, quibus modis ac vijs proximo in Spiritualibus prodesse possimus. Tertio actualis usus & applicatio mediorum excogitorum, qualia v. g. sunt Oratio, prædicatio, correctio, Sacrificatio &c. Quartò Gaudium de Spirituali suorum profectu, tristitia & dolor de illorum obstinaciâ, commiseratio sive compassio propter mentis cæcitatem, &c.

Oritur verò in nobis hic animalium & Divinæ gloriæ zelus imprimis ex consideratione pretij, nobilitatis & dignitatis animalium, utpote quæ ad imaginem SS. Trinitatis sunt creatæ. Christi pretiosissimo Sanguine redem-

redemptæ, & ad æternam felicitatem destinatæ. Quam animarum dignitatem ipse Unigenitus DEI Filius tanti fecit, ut non solùm triginta tribus annis per plurimos labores, ærumnas, persecutions & dolores illas in terris ardentissimè quæsiverit, & pro earum salute mortem ignominiosissimam eligere voluerit; Verùm etiam post suum in Cœlos ascensum per Apostolos in universum mundum dimisso, Sacramentorum institutionem, aliáque salutis media illis abundantissimè providere dignatus fuerit. Secundò nascitur hic zelus animarum in nobis, si consideremus quām gratum DEO & summè meritorium sit zelare sa-

G 5 lutem

ludem aliorum ; de quo S. Gregorius *Homil.* 12. in Ezechiel. Testatur his verbis : *Nullum omnipotenti DEO tale est Sacrificium, quale est zelus animarum.* Et sanctus Chrysostomus *Homil.* 25. in *Epist. ad Cor.* super illa verba : imitatores mei estote &c. *Hæc perfectæ Charitatis regula est, hic certissimus terminus, hoc supremum omnium cacumen, querere quæ communem omnium comprehendant utilitatem, quod ipse Paulus significans addit : Sicut & ego Christi : Nihil enim potest nos adeo imitatores Christi facere ut proximorum cura.* Tertio, oritur etiam zelus animarum ex amore, quo D E U M diligimus : Hic enim in nobis otiosus

sus esse non potest, sed *Charitas Christi urget nos.* 2. Cor. 5. Quare priusquam Christus Petro curā animarum actu committeret, tribus distinctis vicibus ex ipso interrogavit: *Petre, amas me plus his?* ac postea subjunxit: *Pasce oves meas, pasce agnos meos.* Quartò oritur zelus animarum ex consideratione gaudij & exultationis inenarrabilis, quam olim percipiet Parochus, aspiciens fructum laborum suorum in horreo Cœlestis gloriæ & intuens filios suos spirituales cum D E O regnantes, quos ipse per Evangelium genuit: tunc enim cum S. Paulo ad Philippens. 4. exclamare poterit: *Fratres mei charissimi & desideratissimi,*

gaudium meum & corona mea. Vos enim estis gloria nostra & gaudium. 1. Thessal. 2. Videtur hanc Parochorum spiritualem exultationem in Spiritu prævidisse David Psal. 125. in illis verbis : qui seminant in lachrymis , in exultatione metent. eentes ibant & flebant mittentes semina sua ; venientes autem venient cum exultatione , portantes manipulos suos. Quintò denique excitare potest hunc animarum zelum in nobis illa promissio Jacob. 5. qui converti fecerit peccatorem ab errore viæ suæ , salvabit animam ejus à morte , & operiet multitudinem peccatorum : præterquam enim , quod causa existat salutis peccatoris , meretur sibi ipsi Parochus  
( si

( si forte in statu peccati mortalis constitutus esset ) gratiam saltem de congruo ad pœnitendum. Unde S. Damascenus ex dictis verbis Apostoli colligit , modum abolendi peccata propria esse studium abolendi aliena.

---

## CAPUT V.

### *De Studijs Literarum.*

**A**ttende lectioni , exhortationi & doctrinae . 1. Timoth. 4. Statuit Tridentinum Sess. 23. de reform. c. 14. ut in presbyteros ordinentur solùm illi , qui ad populum docendum ea , quæ scire omni-

omnibus necessarium est ad salutem , ac administranda Sacra-  
menta , diligent exame p̄cedente  
idonei comprobantur. Et Sess. 24.  
de reform. cap. 18. jubet severis-  
simè examinari eos, qui ad vacā-  
tes parochias sunt promoven-  
di , & quidem ab examinatoribus  
non paucioribus quàm tribus , qui  
sunt Doctores aut Licentiati in  
Theologia aut Jure Canonico , &  
qui omnes juraverint ad sancta  
DEI Evangelia , se quacunque hu-  
manā affectione postpositā fideliter  
munus suum executuros. Et me-  
ritò quidem : est enim Parochus  
in Cathedra Magister & Doctor  
ignorantium , juxta illud Ma-  
lach. 2. labia Sacerdotis custodiunt  
scientiam , & legem requirent ex  
ore

ore ejus. Est in Confessionali *Medicus ægrotantium*, qui discernere debet inter lepram & lepram, inter peccata gravia & levia, eisque convenientia remedia adhibere. Est in reliquis Sacramentis *Dispensator*; in quo officio ut fidelis inveniatur, nosse debet qualiter & quibus ea dispensanda, ne sanctum projiciat canibus. Est præterea *Pastor*, qui oves suas contra hæreticorum rabiem & fraudem tueri debet, atque eos, qui contradicunt arguere. Unde S. Hieron. in dicta verba Malachiæ inquit: *Idcirco in Sacerdotis pectore Rationale est, & in Rationali doctrina & veritas ponitur, ut discamus Sacerdotem doctum esse debere, & præconem*

Domi-

Dominicae veritatis, potentem exhortari in doctrina sana, & eos qui contradicunt arguere. Et S. Augustinus Epist. 59. ad Paulinum in illa verba Ephes. 4. v. 12. alios autem Pastores & Doctores : Cum prædixisset Pastores, subjunxit Doctores, ut intelligerent Pastores, ad officium suum pertinere doctrinam. Quomodo enim excusari posset inscitia in eo , qui se Magistrum infantium & insipientium profitetur ? ut inquit S. Bernardus in decl. super Ecce nos, ignorans utiq; ignorabitur imo & multos ignorare faciet & ignorari.

Ut verò Parochus thesaurum scientiarum sibi in officio suo necessiarum comparet , duo im-

imprimis observare debet: Primum est , ut immoderatum sciendi appetitum circa illa cohibeat , quæ ad finem & munus ejus pastorale nihil conducunt , neq; animum studijs impertinentibus intendat : Cum enim regimen animarum sit ars artium , & non simplicem tantum , sed multifariam requirat peritiam , fieri haud podes t , ut in necessarijs scientijs sufficienter se perficiat , qui in curiosis & non necessarijs suum tempus collocat . Alterum requisitum est , ut in acquirendis scientijs muneris suo necessarijs laborem & studium non refugiat , sed impigrum se & in defessum exhibeat , maximè cum in floridis  
ado-

adolescentiæ annis adhuc constitutus ingenij & memoriae viribus pollet, neque quotidianis rei familiaris curis aut alijs functionibus adhuc distrahitur & retardatur. Quamvis etiam in actuali cura jam constitutus à studijs litterarum remittere nullo modo debeat, sed potius eo majori fervore & industria illis se applicare, quò magis illa sibi necessaria esse paulatim agnoverit: sicut expressè Celsissimus & Reverendissimus Noster in sæpiissimè jam memorato suo Decreto his verbis præscribit: *Qui autem Sacro presbyteratus Ordine jam obtento in actualis animarum Curâ constituti fuerint, ita se sive cum Capellanis, si quos habuerint,* sive

sive soli in Theologia Morali & stu-  
dio Controversiarum fidei solerter  
exerceant, ut in Urbem nostram  
vocati, sicut & in Capitulis Rura-  
libus coram Commissariis nostris ad  
functiones ejusmodi deputandis  
cum honore subsistant.

---

## CAPUT VI.

### De Prudentia Parochi.

**E**stote ergo prudentes sicut ser-  
pentes, & simplices sicut Co-  
lumbæ. Matth. 10. Dabat Chri-  
stus hoc monitum suis Discipu-  
lis, quando eos ad curam ani-  
marum disponebat, significans  
quantopere necessaria sit omni-  
bus

bus prudentiæ virtus, qui id munus in se suscipere cogitant. Definitur autem Prudentia : Virtus consulens , judicans & imperans , quid in singulis circumstantijs fieri debeat pro fine obtinendo. Requiritur imprimis in Curatore animarum in *docendo* , ut deliberet , quæ materia sit auditoribus suis necessariâ , utilis & accommodata. In *Confessionali* , ut judicet , quæ circa pœnitentem formanda sint interrogatoria , an severitas vel mansuetudo adhibenda , quæ instructio necessaria &c. In *corrigendo* , ut circumspiciat , coram quibus , quando , quâ verborum formâ utiliter possit & debeat fieri correctio. In *conversando* , ut

ut noverit, qualiter cum summis, infimis, doctis, rudibus, sa-  
nis & infirmis sit agendum. Ver-  
bo, prudentia debet esse modera-  
trix & auriga omnium actionum  
Parochi, quâ solâ sublatâ etiam  
virtutes illius non manebunt vir-  
tutes, sed degenerabunt in vitia:  
videlicet sicut sal est condimen-  
tum ciborum, & absq; eo omnis  
mensa est insipida, ita sine pru-  
dentiâ & discretione omnes Pa-  
rochi actiones sunt præcipites,  
insipidæ, inconsideratæ, & com-  
muniter scandalosæ.

Porrò medium hanc Pruden-  
tiæ virtutem acquirendi pri-  
mum est mortificatio passionum  
appetitus concupiscibilis & ira-  
scibi-

scibilis : hæ enim oculum rectæ rationis potissimum excæcare solent & efficere , ut homo præcipitanter & sine consilio agat . Secundum est Examen & discussio propriarum actionum , negotiorum , casuum , successuum &c. quam discussionem qui negligit , post plures annos æq; incautus ac antea existet . Tertium est reflexio ad mores & actiones aliorum hominum & ad successus rerum eorundem : *Felix enim quem faciunt aliena pericula cunctum.* Quartum est petitiō consilij virorum prudentum . Quintum , consideratio propriæ indolis , vitium , inclinationis & complexionis naturalis . Sextum deniq; est matura præmeditatio eorum ,

eorum, quæ ex negotijs nostris sequi possint; ut ita nihil nobis eveniat improvisum: stultum est enim postea dicere: *non putarâm*; prudens autem omnia prius considerat.

---

## CAPUT VII.

### *De Prædicatione Verbi Divini.*

#### §. I.

##### *De obligatione ad prædicandum, & fine prædicationis.*

**O**bligationem Parochi ad prædicandum Verbū DEI proponit Tridentinum *Sess. 5.* de reforin. c. 5. his verbis: *Plebani,*  
*& quis-*

& quicunque Parochiales, vel alias curam animarum habentes Ecclesiæ quocunque modo obtinent, per se vel alios idoneos, si legitime impediti fuerint, diebus saltem Dominicis & festis solemnibus plebes sibi commissas pro sua & earum capacitate pascant salutaribus verbis, docendo ea, quæ scire omnibus necessarium est ad salutem, annuntiandoque eis cum brevitate & facilitate sermonis via, quæ eos declinare & virtutes quas sectari oporteat: Ut pœnam æternam evadere, & cœlestem gloriam consequi valeant. Finem vero prædicationis ostendit idem Concilium in illis verbis ultimis, ut videlicet Auditores pœnam æternam evadere & cœlestem gloriam

riam consequi valeant sive ut peccatores vitam habeant, & justi abundantius habeant. Quem prædicationis finem potissimum intendere debet Ecclesiastes, Primo cum materiam Concionis eligit & disponit; ne forte inutilia, vel auditorum captui minus accommodata in medium proferrat. Secundo, quando Cathedram est consensurus; ut vanæ gloriæ cupiditate se abripi non sinat, neque Auditorum applausum pro scopo eligat. Commendat eundem in prædicando finem Concionatoribus suarum diœcесium Celsissimus ac Reverendissimus N. in Decreto Bambergæ edito 6. Aprilis 1679. admonens eos, ut ab inutilibus

H quæ-

*questionibus, (in quib⁹ aliqui mirè sibi complacent, & imperitæ plebis applausum venari solent) jocis, historijs apocryphis, prædicationibus, Calumnijs, sermonibusque seditiosis abstineant; nec facta miracula, aut falsas indulgencias predicent; sed vitia, ea præsertim, quæ frequentiora, vel magis nociva perspexerint graviter reprehendant &c.*

### §. II.

#### *De Partibus essentialibus Concionis.*

**P**Artes, sicut in alijs compositionibus physicis ac Moralibus, ita & in Concione sunt duplices, *Essentiales scilicet & Integrantes*; & ex illis iterum alia pars est

*Mate-*

*Materia, alia Forma. Quoad Materiam Concionis, circa eam selectu opus est & reflexione ad indigentiam & capacitatem Auditorum, ut non quævis doctrina indifferenter illis obtrudatur. Ita enim Apostolum fecisse legimus apud Corinthios, ut ipse de se testatur 1. Corinth. 3. cum ait: Et ego fratres, non potui vobis loqui quasi spiritualibus, sed quasi carnalibus. Tanquam parvulis in Christo lac vobis potum dedi, non escam: nondum enim poteratis. Tridentinum supra citatum præscribit, ut auditores doceantur, quæ scire omnibus necessarium est ad salutem, & ut annuntiantur eis virtua quæ declinare, ac virtutes quas sectari oporteat.*

H 2      Idem

Idem tradit Catechismus Parochorum in proæmio , monens , ut Concionis materia semper reducatur ad Caput aliquod doctrinæ Christianæ , puta ad articulum fidei in Symbolo , vel Præceptum aliquod Decalogi , petitionem Orationis Dominicæ , aut ad unum ex septem Sacramentis. *Forma* Concionis Essentialis est , ut materia captui Auditorum sit accommodata , eoque modo disposita & proposta , quo ab illis clare percipi , firmiter retineri , & facile in proxim redigi possit. In quo autem hæc forma rudium captui , memoriæ & praxi accommodata consistat , pauci convenient , sed sua cuique pulchra videtur.

Meo

Meo quidem judicio cùm materia Concionum sit præcipuè duplex , *Fidei* , scilicet & *Morum* , non incongruè duplex etiam statuitur forma & dispositio. Et quidem cùm ratione festi solemnis , vel etiam occasione textūs Evangelici tractandum assumitur aliquod fidei nostræ Mysterium , materia in duas partes dividi & ita disponi potest , ut prima illius pars explicet Veritatem Mysterij , quatenus ea scitu necessaria vel utilis est , adductis etiam , si haberi possint , ex Vet. Test. Prophetijs & figuris. Secunda verò pars proponat doctrinam aliquam *Morum* ex Fidei Mysterio deducentam , eamq; probet argumentis modo infrà tradendo.

H 3

Quan-

Quando verò tractanda venit  
materia *Moralis*, & de virtute ali-  
quā vel vitio dicendum, secunda  
est similiter Concio in duas par-  
tes, quarum prima contineat  
definitionem, actus & motiva  
quare scilicet ea Virtus exercen-  
da, vel vitium fugiendum. Se-  
cunda vero pars suggerat media  
& praxes virtutem illam exer-  
cendi, vel vitium declinandi.  
Ratio autem, cur hac in parte  
à consueta hujus temporis Con-  
cionatorum methodo recedam,  
& hunc simplicem dicendi mo-  
dum præferam, est hæc, quod  
illorum forma & dispositio fortè  
magis sit ad plausum & laudem  
Concionatoris, Hæc verò ma-  
gis serviat ad fructum & utilita-  
tem

tem Auditorum : fieri enim difficulter potest , ut hi Virtutem aliquam exerceant , vel vitium declinent , nisi eisdem constet , in quo propriè talis Virtus vel vitium consistat , quinam illius actus , & quibus medijs in particulari utendum , &c. Quare plerūmque illi Concionatores , qui virtutem aliquam in genere solum commendant , nec ad naturam illius actus , media & proxim descendunt , plus in auditoribus non efficiunt quam simplicem quandam illius virtutis complacentiam & velleitatem nunquam in effectum deducendam.

\* \*

## §. III.

*De Partibus Integrantibus  
Concionis.*

Partes Integrantes in Concio-  
ne sunt Quatuor, *Exordium*,  
*Propositio*, *Confirmatio*, & *Conclu-  
sio*; *Exordium* melius dicitur ex  
ipso Evangelio Dominicæ vel  
Festi, percurrendo potissima il-  
lius puncta, & tandem deve-  
niendo ad locum aliquem com-  
munem, qui in Concionis de-  
cursu tractandus assumitur: vi-  
detur enim hæc esse mens & in-  
tentio Ecclesiæ Catholicæ, ut  
Historia sancti Evangelij non  
prætereatur. *Exordium* sequitur  
*Propositio*, quæ clara esse debet  
& brevis, ut statim inde Audi-  
tores

tores intelligere possint , quid in qualibet Concionis parte sit tractandum. Partiri etiam debet Propositio Concionem in plura puncta , ut confusio evitetur , & tam Concionatoris quam Auditorum juvetur memoria. De Confirmatione jam supra dictum est , qua ratione illa utiliter tractari possit.

*Conclusio* fiat verbis abbreviatis & nervosis per anacephaleosin sive recapitulationem præcipuum argumentorum. Coronidem imponant tria vel quatuor verba , quæ fervorem spirant. Desinere ex abrupto gratiam subinde habet , si raro fiat & accommodatè. Debent vero

H 5

hæ

hæ partes inter se connecti & uniri, non tamen eo modo, quo scioli aliqui hoc tempore solent, qui ita latenter & furtivè quasi transeunt ab unâ parte Concionis ad aliam, ut nexus & transiatio non nisi à doctioribus adverti possit. Verum subtilem hanc partium conjunctionem scrinarijs & sartoribus relinquendam esse judico : Concionator autem ita transfire debet ab una parte ad aliam , ut Auditores clarè intelligant, primam esse jam absolutam & secundam inchoari ; Cum alioquin difficulter distinguerem possemus, ad quid posteriora argumenta afferantur. Unde S. Salesius Concionator Celeberrimus præscribit in suâ epistolâ ,  
quam

quam Gallicè scripsit , trigesimâ,  
ut ante *Primum punctum Con-*  
*cionator utatur particula primo,*  
*& ante secundum secundo , vel:*  
*venio ad secundum : restat nunc*  
*pars secunda , &c.*

§. IV.

*De argumentorum qualitate  
& ordine.*

**Q**Uæ ad probandum adfe-  
runtur, sint clara, efficacia,  
& plana ; non autem violenta ,  
distorta, contra communem Ec-  
clesiæ sensum explicata, & crini-  
bus quasi adducta , qualia hoc  
tempore afferre solent ex Con-  
cionatoribus nonnulli , qui cla-  
ras & perspicuas S. Scripturæ  
probationes quasi fastidientes

quærunt nescio quas ingenij  
subtilitates, quibus nulla firmi-  
tas, veritas, certitudo, imò sæ-  
pe neque probabilitas subest,  
unde etiam nec fidem merentur  
apud prudentes, nec aliquem  
pietatis motum excitant. Ca-  
vendum quoque est, ne textus  
Scripturæ vel Patrum sint justò  
longiores, & ne in adductione  
Exemplorum referantur Cir-  
cumstantiæ ad rei præsentis pro-  
bationem nihil conferentes, ex  
quarum recitatione vis argumē-  
ti enervetur, & fervor Concio-  
natoris paulatim deficiat. Ne-  
que etiam accumulandæ sunt  
Scripturæ vel Patrum sententiæ,  
sed sufficit una vel altera ad cap-  
tum Auditorum bene explicata.

Pe-

Petenda autem sunt argumenta  
Potissimum ex S. Scripturâ, Pa-  
tribus, & Concilijs Oecumenicis,  
quia hi fontes continent aquam  
veritatis limpидissimam, & vim  
habent ad persuadendum pru-  
denti Auditori: quæ enim desu-  
muntur ex incertæ veritatis hi-  
storijs, poëtarum fabulis, vel  
obscuris Philosophorum Theo-  
logorumque concertationibus,  
doctrinam quidem ostendunt,  
verum quia incerta sunt, astuti  
Auditoris animum nec movent,  
nec satiant. Porro in collocatio-  
ne argumentorum servandus est  
hic ordo, ut primum locum te-  
neat aliquis textus S. Scripturæ,  
alterum sententia alicujus S. Pa-  
tris vel Concilij, Tertium Ratio,

Quar-

Quartum similitudo, Quintum  
sibi vendicent exempla sacra:  
Dico *Sacra*: quia profana non  
debent assumi ut probent, sed  
tantum, ut per modum similitu-  
dinis rem declarent. Si adducen-  
da sint motiva, ponatur primo  
loco *honestas*, postea *utilitas*, &  
ultimo loco *necessitas*: fortiora  
enim argumenta semper tra-  
ctanda sunt ultimò, ut firmius  
hæreant, & aculeum post se re-  
linquant. Libros Concionato-  
ris quod atinet, præter S. Scrip-  
turam (quam *librum Sacerdotal-lem* S. Ambrosius lib. 3. de fide  
cap. 7. nominat, & S. Paulus 2.  
*Timoth.* 5. utilem prædicat *ad*  
*docendum, ad arguendum, ad cor-*  
*ripiendum, ad erudiendum in ju-*  
*stitia*

stitia ) & præter Concilium Tridentinum utilissimus liber est Catechismus Parochorum , maximè quando explicanda veniunt Catechetica. Cum verò tractanda est Materia *Morum* , valde inservit panarium P. Bussæi Soc. JESU. Nec non Ariæ Montani thesaurus inexhaustus bonorum, &c.

§. V.

*De Pronuntiatione, & reliquis  
ad Concionem spectantibus.*

**U**T prædicator moveat , loqui debet ex affectu : Concio enim sine affectibus languet , & effectum non habet. Affectus autem non consistit in eo , quod verba sint inflammata clamoribus

bus & vociferationibus incondi-  
tis , aut gestibus insultis , sed sua-  
vi affectione internâ , & magis  
procedant ex corde quâm ex ore:  
**C**or enim ad cor loquitur, lingua  
autem ad solas aures. Exordium  
non habeat affectus saltem ve-  
hementes. In ea parte , quæ do-  
cet , affectus etiam sint rari ; fre-  
quentiores verò in alterâ , quæ  
causas continet & motiva. Con-  
clusio deniq; tota sit affectuosa.

In pronuntiando caveat Præ-  
dicator , ne in verbis reperiendis hæreat , sed potius copiam il-  
lorum & apparatus acquirat. Barbarè non loquatur , sed idio-  
mate utatur politiorum hominum. Vocem affectibus & exi-  
gen-

gentiæ materiæ accommodet. Non eodem semper utatur tono quasi cantillans , sed vocem habeat in Exordio sedatam , in docendo gravem , in movendo excitatam. Verba etiam non præcipitet , sed eo modo producat , ut ab Auditoribus singula distinetè percipi , intelligi & retineri possint. In explicatione vitiorum terminis utatur honestis , qui rem ita circumscribant , ut pusillis non præbeatur ansa ruinæ. Denique verba non sint affectata , nec ita secundùm artificium transposita , ut sensum obscurent.

Circa gestus efformandos assignari solent hæ regulæ , ut iij solūm

solum fiant oculis & manibus ; non autem naribus , supercilijs , humeris aut pedibus. Manus supra oculos non extollantur. Brachia immoderate non proiec-  
tiantur , quasi concionator esset digladiaturus. Cathedram manus non percutiant , nec complo-  
sione strepitum excitent. Si-  
nistra raro sit in motu , tunc scilicet solum , cum ad aliquid ex-  
primendum dextra non sufficit , ut quando significanda est uni-  
versitas , vel aliquid secundum in duas partes , negandum &c. Præterea gestus sint liberi , non affectati , coacti , pedibus vel mensuris ligati. Sint nobiles , non rustici , quales habent illi , qui Cathedræ quasi fulcro inni-  
tun-

tuntur. Sint *generosi*, exclusâ puerili timiditate aliquorum, qui quasi Discipuli ad Magistros loquuntur. Sint *fortes*, non mortui & languidi. Sint *Sancti*, non venustuli, aulici vel politici. Sint denique *graves & maturi*, non leviculi vel mimici.

Postremò per magni etiam interest, ut Concionator memoriâ firmiter teneat illa, quæ pro suggestu dicere constituit, ne metus errandi aut nimia sollicitudo cogitandi libertatem impedit in dicendo. Juvatur autem memoria, si Concio non scribatur uno filo & contextu sed in partes & puncta ita distinguitur in charta, ut quodlibet punctum in-

incipiat in principio marginis: Si textus & formalia verba Scripturæ vel Patrum notentur subductâ lineolâ: si in margine ponantur citationes Bibliorum, Patrum, & Conciliorum: Si Concilio non integrè desumatur ex libris prout jacet, sed de suo etiam Parochus aliquid addat, & argumenta ex Authoribus accepta per meditationem præviam faciat esse sua & propria: Si priusquam cubitum concedat, præcipua Concionis puncta relegat: Si denique in loco ab hominibus remoto conceptam Concionem à capite usque ad calcem declamat cum affectibus & gestibus, quasi jam coram suo auditorio in Cathedra peroraret.

§. VI. *De*

§. VI.

*De modo tradendi Doctrinam  
Christianam pro Concione.*

**D**Ixi suprà, Patres Tridentinos in suo Catechismo præscribere ut materia concionis desumatur ex uno quatuor illorum capitum Catechismi, videlicet ex Symbolo Fidei, Oratione Dominicâ, Sacramentis, vel Decalogo, & ita necessarium esse mecum judicabunt, quotquot ruri in cura animarum cum aliqua sollicitudine versati sunt: Pauci enim ex adultis periuntur, qui norunt ea, quæ scire ad salutem omnibus est necessarium; plures, qui ad prima fidei rudimenta attoniti hærent,

rent, idque defectu educationis. Tales quomodo instruet parochus? ad Catechesin ordinariam non veniunt, in Confessionali sæpè tantum otij non suppetit. Unica ergò eos docendi ratio superesse videtur, quam tradiderunt dicti Patres, videlicet ut Parochus sepositis inter prædicandum subtilioribus conceptibus articulos Fidei Catholice, Orationem Dominicam, Decalogi præcepta, & Sacramentorum effectus, modumq; ea ritè suscipiendo per decursum anni eâ sermonis facilitate illis explanet, ut, quantum ad salutem satis est, exinde haurire possint. Ne verò quis in reperiundis ejusmodi conceptibus labo-

laboret, non ingratum fore ju-  
dicavi, si aliquod illorum Para-  
digma hic apponem.



## CONCEPTUS CA- TECHETICI.

*Ex Capite Primo Cate-  
chismi.*

### DE FIDE.

**D**ec<sup>o</sup> Signo sanctæ Crucis agi  
spotest in festo SS. Trini-  
tatis, occasione desumptā  
ex illo textu Matth. 28. In  
Nomine Patris, & Filij &  
Spiritus sancti.  
Fide in genere, feriâ secundâ  
Pa-

Paschatis, text. *O stulti, & tardi corde ad credendum.*  
*Luc. 24.*

Articulo primo Symboli Apostolici , & maximè de fine hominis ad quem creatus est, sicut & de fine aliarum creaturarum, Dominicâ quartâ post Pascha text. *Vado ad eum qui misit me.* *Joan. 16.*

De Creatione Angelorum , & maximè de officio , curâ, præsentia ac cultu Angeli Custodis , Festo S. Archangeli Michaëlis. text. *Angeli eorum in Cœlis semper vident faciem Patris mei.* *Matth. 18.*

Articulo secundo & tertio , in

in festo Nativitatis Domini.  
text. *Verbum caro factum est & habitavit in nobis. Joan. 1.*

Articulo quarto , Die para-sceves.

Articulo quinto , Dominicâ Resurrectionis. Ubi simili-  
liter articulus undecimus explicari potest.

De Articulo sexto, Feste Ascensionis Domini.

Articulo septimo , Dominicâ primâ Adventûs.

Articulo octavo , Feste Pen-tecostes.

Articulo nono,Dominicâ se-cundâ post Pascha. text.  
*Erit unum ovile & unus Pastor. Joan. 10.*

{ Articulo decimo, Dominicâ primâ post Pascha. text.

*Accipite Spiritum sanctum:  
Quorum remiseritis pecca-  
ta, remittuntur eis. Joan. 20.*

De{ Articulo undecimo, in Festo Paschatis ut suprà.

Articulo duodecimo, Domini-  
nicâ secundâ Quadragesi-  
mæ text. *Bonum est nos hîc  
esse, si vis, faciamus hîc tria  
tabernacula. Matth. 17.*

### Ex Capite Secundo.

#### DE VERITATE SPEI.

De{ Hac virtute & vitijs opposi-  
tis agi potest Dominicâ quintâ post Pascha. text.  
*Si quid petieritis Patrem in  
nomi-*

{ nomine meo, dabit vobis  
Joan. 16.

De { Oratione in genere, Feriâ se-  
cundâ Rogationum.

De { Oratione Dominica , Feria  
tertia & quarta Rogatio-  
num.

### *Ex Capite Tertio.*

#### DE CHARITATE.

De { Observatione Præceptorum  
DEI & Ecclesiæ Dominicâ septimâ post Penteco-  
sten. text. *Non omnis, qui  
dicit mihi Domine, Domine,  
iutrabit in Regnum cœlo-  
rum: sed qui facit volunta-  
tem Patris mei. Matth. 7.*

De Charitate speciali erga  
DEUM, Dominicâ deci-

mâ septimâ post Pentecosten. text. *Diliges Dominum DEUM tuum ex toto corde &c.* Matth. 22.

Primo præcepto, sive de virtute Religionis, & vitijs illi oppositis, Dominicâ Primâ Quadragesimæ : *Dominum DEUM tuum adorabis.* Matth. 4.

De

Secundo Præcepto, Festo Circumcisionis Domini. Tertio Præcepto, Dominicâ decimâ sextâ post Pentecosten. text. *Si licet Sabba-tho curare.* Luc. 14.

Quarto Præcepto, sive Officio Liberorum respectu parentum, & vicissim, Dominicâ primâ post Epiphâ-

phaniam. text. *Erat subdi-  
tus illis.*

Officio Servorum erga He-  
ros & Herorum erga Ser-  
vos, Dominicâ tertia post  
Epiphaniam. text. *Do-  
mine puer meus jacet Do-  
mi paralyticus.* Matth. 8.  
*vel Dico huic: vade,* &  
*vadit;* & alij, *veni & ve-*  
*nit,* & servo meo, *fac hoc*  
& facit.

De

De Quinto Præcepto , sive.  
Concordiâ & pace, Feriâ ter-  
tiâ paschatis. text. *Pax vo-  
bis ego sum. Nolite timere.*  
*Luc. 24.*

Amore proximi & vitio in-  
vidiæ opposito, Domini-  
câ duodecimâ post pen-

I 3 teco-

tecosten text. *Diliges Domum DEU M tuum &c.*  
*Et proximum sicut te ipsum.*  
*Luc. 10.*

Irà & vindictâ, Dominicâ vigesimâ primâ post Pentecosten. text. *Sic & Pater meus cœlestis faciet vobis. &c.* *Matth. 18.*

De Sexto Præcepto & nono, Dominicâ secundâ post Pentecosten. text. *Uxorem duxi, & ideo non possum venire.* *Luc. 14.*

Septimo & decimo Præcepto, Dominicâ vigesimâ secundâ post Pentecosten. text. *Reddite quæ sunt Cæsar. Cæsari.* *Matth. 22.*

Octavo Præcepto, sive

De

Detractio[n]e, Dominica octava post Pentecosten text.  
*Diffamatus est apud illum &c. Luc. 16.*

De Curiositate indaganda aliorum vita, suspicione, & judicio temerario, Festo S. Joannis Evangelistæ. text. *Quid ad te? Joan. 21.*  
Mendacio & falso testimonio, Dominica quinta Quadragesimæ. text. *Si dixerim, quia non scio eum, ero similis vobis mendax. Joā. 8.*

*Ex Capite Quarto.*

DE SACRAMENTIS.

De Baptismo, Dominica undecima post Pentecosten

text. *Ephpheta*, quod est adaperire. *Marc.* 7.

Pœnitentia Dominica Tertia Quadragesimæ text.  
*Erat ejiciens demonium & illud erat mutum. Luc.* 11.

Eucharistia, Dominica quarta Quatradesimæ. text.  
*Accepit ergo JESUS panes;*  
*& cum gratias egisset distribuit. Joan.* 6.

Extrema unctione, Dominica vigesima post Pentecosten. text. *Domine descende, priusquam moriatur filius meus. Joan.* 4.

Matrimonio, Dominica secunda post Epiphaniam. text. *Nuptiae factæ sunt in Cana Galilææ. Joan.* 2.

*Ex*

## Ex Capite Quinto.

DE

### JUSTITIA CHRISTIANA.

(De Exercitio Bonorum ope-

rum , Dominica infra  
octavam Nativitatis. text.

*Jejunijs & obsecrationibus  
serviens die ac nocte. Luc. 2.*

Des Operibus misericordiæ, Do-  
minica sexta post Pente-  
costen. text. *Misereor su-  
per turbam. Marc. 8.*

Bona intentione operibus  
præfigenda , Dominica  
quarta post Pentecosten ,  
& de statu gratiæ ad me-  
rendum necessario. text.

*Per totam noctem laboran-*

I 5 tes

*tes nihil cepimus, in verbo  
autem tuo laxabo rete.* Lu-  
cæ. 5.

De Peccato mortali, Do-  
minica decima Octava  
post Pentecosten. text.  
*Confide fili, remittuntur ti-  
bi peccata tua.* Matth. 9.

Peccato veniali, Dominica  
De sexta post Epiphaniam.  
text. *Minimum quidem est  
omnibus seminibus &c.*  
Matth. 13.

Peccatis in cælum claman-  
tibus, Dominica decima  
quinta post Pentecosten.  
text. *Et hæc vidua erat*  
Luc. 7.

Peccatis in Spiritum san-  
ctum, Festo S. Stephani.  
text.

text. *Dura cervice & in-  
circumcisiss cordibus & au-  
ribus; vos semper Spiritui  
sancto resistitis.* Actor. 7.

Peccatis alienis, Dominica  
sexta post Pascha. text.  
*Hæc locutus sum vobis, ut  
non scandalizemini.* Joā. 16.

De Peccatis Capitalibus, sive  
Superbia , Dominica tertia  
Adventūs. text. *Tu quis  
es?* Joan. 1.

Avaritia , Dominica decima  
quarta post Pentecosten.  
text. *Non potestis DEO ser-  
vire & Mammonæ.* Matth. 6.

Gula,Dominica quinquage-  
sima , text. *Cæcus quidam  
sedebat secns viam.* Luc. 18.

De Acedia, Dominica Sexagesima. text. *Quid hic statis totâ die otiosi? Matth. 20.*

*Reliqua comprehenduntur in Præceptis Decalogi.*

**E**N modum, quo præcipua Doctrinæ Christianæ Capi- ta pro suggestu tractari, & rudi populo explanari non difficul- ter possunt, maximè si Parochus in eorum explanatione & dedu- ctione utatur Catechismo Ro- mano ad hunc finem ex Decreto Concilij Tridentini & jussu Pij V. Pontificis Maximi edito. Nec mihi quis opponat, si præfatos conceptus primo anno absolvero, quid deinde sequentibus

an-

annis? Dico enim illos singulis annis resumi non solum posse à Parocho, sed etiam debere, non tamen eâdem methodo & ratione, sed diversâ, & alijs argumentis, sicut ejusdem speciei cibos sæpius in mensa videmus, alio tamen & diverso semper modo paratos: Si enim in quilibet benè ordinatâ communitate Leges & Statuta eadem singulis annis, imò ( ut in multis locis observatur ) singulis anni quadrantibus prælegantur: Si in monasterijs, ubi disciplina viget, regulæ & Constitutiones singulis mensibus semel publicè repetantur, quidni eadem Doctrinæ Christianæ capita omnibus ad salutem scitu adeò necessaria

faria semel in quolibet anno re-sumere coram indocili vulgo li-  
ceret ? *Hæc frequenter dicere non  
cessamus*, inquit S. Chrysosto-  
mus Hom. 66. in Joan. *Quoniam  
qui hodiè non audiunt, cras au-  
dient; & qui neque cras, perendie,  
quod si qui impersuasibiles sunt, nos  
tamen non judicabimur, nostrum  
enim officium implevimus.*

---

## CAPUT VIII.

### *De Catechesi.*

#### §. I.

##### *De Materia & forma Cathe- chesis.*

**N**ECESSITATEM Catecheticae in-  
structionis declarat S. Pau-  
lus

lus Rom. 10. cum ait : *Omnis enim  
quicunq; invocaverit nomen Domi-  
ni salvus erit. Quomodo ergo invo-  
cabunt, in quem non crediderunt?  
aut quomodo credent ei, quem non  
audierunt? quomodo autē audient  
sine prædicante? ergo fides ex audi-  
tu, auditus autē per verbum Christi.*  
**U**t autem hæc instruētio rudium  
cum fructu succedat, aliqua  
sunt necessaria ex parte *Materiæ*.  
aliqua ex parte *Formæ* sive *dispo-  
sitionis*. Ex parte *Materiæ* requi-  
ritur primò, ut doctrina quæ  
traditur, sit verè Catholica, pu-  
ra, & ab omni errore defæcata.  
Secundò ut omissis impertinen-  
tibus quæstionibus eligatur ma-  
teria magis necessaria; ne tenel-  
læ & imbecilles parvolorum me-  
moriæ

moriæ obruantur potius, quam  
instruantur. Ex parte *formæ* si-  
militer duo requiruntur: Pri-  
mum est, ut lectiones tali ordi-  
ne disponantur & dividantur,  
quo intra decursum unius anni  
singula Catechismi capita expli-  
cari possint & absolvī. Quod  
quidem erit facillimum, si Ca-  
techista antea prævideat &  
computet, quot circiter dies  
Dominicos per annum huic ex-  
ercitio impendere possit, & qui-  
bus per nundinas, Encænia, fe-  
rias autumnales &c. impedia-  
tur, ut numerum Lectionum  
Catechetiarum restringere pos-  
sit, aut ampliare: Neque enim  
probo methodum illorum, qui  
Catechisum extendunt ad du-  
centas

centas vel plures lectiones, si-  
cut facit Nucleus Catecheticus,  
cum post finem unius anni vix  
amplius apud parvulos extet  
memoria eorum, quæ in prin-  
cipio illius sunt explicata. Alte-  
rum requisitum est ex parte *for-  
mæ*, ut Parochus in docendo  
adhibeat eum modum propo-  
nendi, & explicandi, qui cap-  
tui parvolorum magis est ac-  
commodatus partiendo doctri-  
nam in minutæ quæstiones,  
& utendo verbis valdè claris,  
modoque loquendi familiari, ut  
fiat quasi parvulus in  
medio eo-  
rum.

§. II. *Qui-*

## §. II.

*Quinam Catechizandi, & quo loco ac Tempore.*

**C**UM in Catechesi ex professo tractentur ea, quæ omnibus ad salutem sunt scitu necessaria, sequitur omnes & singulos à Parocho Catechizandos esse, qui nondum sufficientem necessariorum scientiam sunt adepti ; sive adulti sint ætate, sive parvuli, quia tamen adultores persuaderi, aut etiam compelli difficulter possunt, ut Lectionem ordinariam frequentent, Parochi munus erit, tempus pomeridianum impendere Juventuti erudiendæ, Concionem verò matutinam ita ad

ad cujusvis captum attemperare , ut etiam adulti ex illâ , quantum ad salutem satis est , haurire & retinere possint . Maxima difficultas est circa servos & ancillas , si ipsimet de suâ salute non sint solliciti : etenim si ad Catechesin compellantur , malunt sape ex Parochia abire , quam Lectionem catechisimi consuetam frequentare . Unicum & maximè efficax pro ejusmodi famulantibus esse remedium comperi , si Parochus inter Catechizandum se exhibeat humanum , illos non interroget , sed auscultare solum permittat , Lectionem etiam Catecheticaultra horam non extendat .


Porrò

Porrò tempus ordinariæ catechesis in Parochiali Ecclesiâ est dies Dominicus , & hora illius post meridiem prima. Quoad Ecclesias verò & pagos Filiales, quando juventus ob loci distan-  
tiam , inclemenciam aëris , vel  
alià de causa ad Ecclesiam Ma-  
tricem convenire nequit , offi-  
cium Parochi requirit , ut die-  
bus saltem festivis ad dicta loca  
excurrat , & Catechismum co-  
modo & dexteritate contra-  
hat , ut intra unius anni de-  
cursum omnia scitu necessaria  
Juventuti proponat , Maxi-  
mâ autem instantiâ erudien-  
di sunt parvuli tempore Qua-  
dragesimali in ijs , quæ ad dig-  
nam Sacramentorum Pœnitен-  
tiæ

tiæ & Eucharistiaæ susceptionem  
pertinent , idque non solum in  
civitatibus & oppidis , verum  
etiam in pagis & villis.

Locum denique quod con-  
cernit , tradendus est Catechis-  
mus ordinariè in Ecclesiâ ; Si ta-  
men frigus nimium esset , etiam  
in scholâ. In locis verò , ubi non  
est Ecclesia , eligi debet certa  
quædam , capax & honesta do-  
mus ut Parochus illius fre-  
quentatione infamari  
non possit.

\* \* \*



§. III. De

## §. III.

*De Ordine & divisione locorum in  
Catechesi.*

**U**T omnia ritè & secundùm ordinem fiant, dispositio locorum observanda est talis, quam honestas & necessitas requirit. Ac *primò* quidem separandi sunt pueri à puellis; & hæ à sinistris, illi verò à dextris collocandi. *Secundo* assignandus est cui libet certus suus & determinatus in scamno locus, quē invariabiliter teneat, nec citra consensum Catechistæ mutet. *Tertio* majo- res ultimo semper loco, & in scamnis posterioribus sunt collocandi, ut minores Catechistam videre, & loquentem comodius

in-

intelligere possint. Ne autem facilè quis abesse possit impunis cum scandalo aliorum , & propriæ salutis detrimento , Parochus habeat nomina omnium catechizandorum in tabellâ aliquâ descripta , atque ita in ordinem digesta , ut noverit , qui & quot sint in quolibet scamno , quis in primo , secundo , vel ultimo scamni loco &c. Deinde primum semper in quolibet scamno constituat reliquorum censorem , qui absentes observet. Quartò fidelem aliquem virum habeat , qui à Censoribus nomina absentium petat , & in dicta tabella annotet , ut finitâ Lectione eorum parentes vel heri citari possint & moneri.

§. IV. De

## §. I V.

*De Modo explicandi Catechismum,  
& Juventutem examinandi.*


**I**N explicando Parochus utatur modo loquendi familiari & verbis claris, seque parvolorum capacitati accommodare studeat, quantum salvo respectu fieri potest. Ut verò à singulis etiam tardioribus intelligi possit, domi prius indaget, quâ verborum formâ & proponendi methodo uti velit ad hoc illudve Mysterium aptè declarandum. Utile quoque erit interrogationes verbis claris & facilibus conceptas in charta vel libello annotare, ne vel necessarium aliquid memoriâ excidat, vel impertinens ali-

aliquid inter explicandum admisceatur, vel denique ne dicta in eo sensu non intelligantur quem ipse intendebat : Novi enim aliquoties interrogationes alioquin per se honestas & utiles ab Auditoribus ex verbis male intellectis in sensu turpissimo esse acceptas. Deinde eandem Lectionem jam semel explicata , priusquam ad examen procedat , binis vicibus resumat, *Primo* fusiùs , cum exemplis , similitudinibus , &c. *Secundo* brevissimè , respondendo solum ad interrogationes *ita vel non*. Debet autem Examen cum magnâ dexteritate & prudentiâ peragi : *primo* enim non sunt interrogandi majores , qui scilicet vigesimus

K                  mum

mum jam annum excesserunt,  
ne forte confusi absterreantur,  
& planè deinceps emaneant. *Se-*  
*cundò* incipiendum est Examen  
à pueris illis , qui cæteris sunt  
capaciores, ut ex illorum respon-  
sis minores interim magis illu-  
minentur , antequam ordo re-  
spondendi eos contingat. *Tertiò*  
post pueros examinandæ sunt  
etiam puellæ, sed cum magnâ  
discretione & cautelâ , ne quis  
forte adstantium in suspicionem  
venire possit affectus alicujus  
non satis depurati: *Unde pro-*  
*cul abesse debent risus , joci ,*  
*oculorum obtutus , personarum*  
*acceptio , & similes levitates.*  
*Quarto* si quid à quopiam bene  
responsum fuerit, is commen-  
dan-

dandus, & in cœlum usque laudibus est extollendus: Dici enim vix potest, quantopere non solūm pueri, sed etiam illorum parentes delectentur & capiantur ejusmodi laudibus & encomijs. *Quinto* denique si quid ab aliquo minùs feliciter dictum fuerit, non propterea statim est reprehendendus; sed juvandus potius est, & verbis suavibus animandus, ne doctrinæ tam salutaris horrorem concipiat, vel pusillanimis factus eam deinceps omnino negligat.



## §. V.

*De Ordine, quo Lectio Catechetica  
trahenda.*

**P**Osteaquam Juventus ad Ecclesiam Parochialem die Dominico circa horam primam postmeridianam convenerit præmittenda est cantio aliqua Germanica tempori conveniens. Quâ finitâ Parochus ad medium templi procedens conversâ ad populum facie formet signum Crucis, & cum Juventute dicat Orationem Dominicam, salutationem Angelicam, & Symbolum Apostolorum eâ ratione ut illum præorantem cæteri sequantur, eadem verba tardè & clarè pronunciantes.

Tertio


Tertiò factò iterum signo Crucis resumat Lectionem ante octiduum traditam & ex illâ Juventutem circa potissima examinet. Quartò tradat novam Lectionem , illamque ternis vici- bus exponat , Primò quantum erit necessarium, secundò fusius , tertio brevissimè ut supra diximus. Quintò ordiatur Examen modo superius tradito. Sextò procedens ad medium breviter resumat eandam Lectionem , eamque juventuti commendet. Septimò , erudiat & examinet eos parvulos , quibus lacte adhuc opus est , & ex Lectione ordinariâ nullum fructum colligere possunt , circa Mysteria Fidei faciliora & magis necessaria ,

qualia sunt v. g. de Unitate DEI,  
Trinitate Personarum, Passione,  
Morte , & Resurrectione Chri-  
sti &c. Octavò legat nomina ab-  
sentium per aliquem jam anno-  
tata. Nonò recitet cum Juventu-  
te Decalogum , Præcepta Eccle-  
siæ, septem Sacra menta , & qua-  
tuor hominis novissima , facto-  
que signo S. Crucis Cate-  
chesin claudat.

\* \*



CA-



## CAPUT IX.

### *De Administratione Sacramentorum.*

#### §. I.

*De his, quæ Parochum remotè disponunt ad dignam Sacramentorum administrationem.*

PRæter Jurisdictionem , quæ in Parocho supponitur, quinque insuper necessaria , ut remotè dispositus existat ad Sacramentorum administrationem. Primum est , ut scientiâ & doctrinâ sufficiente sit instructus circa materiam , formam , intentiōnem, cæterāq; requisita in cuius-

libet Sacramenti tūm dispensatione , tūm susceptione. Secundum ut Sanctissimum Eucharistiae Sacramentum , uti & materias remotas Baptisimi & Extremæ Unctionis in Ecclesiâ suâ Parochiali sine intermissione asservet,& accurate custodiat. Tertium ut juxta Præceptum Tridentini *Sess. 6.* de reform. *cap. 2.* personaliter in suâ Parochiâ resideat , neque unquam , quando solus est , à domo suâ Parochiali ita discedat , ut in casu necessitatis accersiri nequeat , nisi causâ absentiæ longioris ab Episcopo cognitâ & approbatâ idoneus Vicarius ab eodem sit substitutus. Quartum est , ut diu noctuque temperantiam & sobrietatem coieratem vel ad Sacramen-  
tum ve-  
ritati. Q  
ui perpetuo  
unicitatem D  
icitur , ea quae ab A  
lberto hinc fine  
quamvis et  
impuris co-  
neque con-  
indigne t  
ternæ ma-  
runt. Unde  
in peccatu-  
rum conser-  
vacione ad-  
ministra-  
debet nisi

brietatem colat , neque per ebrietatem vel largiorem potum se ad Sacra menta administranda ineptum vel minus habilem constituat. Quintum denique est , ut perpetuò se in Statu gratiæ & amicitiæ DEI conservare conetur , eaque remedia adhibeat , quæ ab Asceticis Auct oribus ad hunc finem præscribuntur : quamvis enim Sacra menta ab impuris coquinari non possint , neque eorum effectus impediri ; indignè tamen illa tractantes æternæ mortis reatum incur runt. Unde si Parochus forsitan in peccatum aliquod mortiferum consensisset , ad Sacra menti administrationem accedere non debet nisi prius corde contritus

K 5 fuerit :

fuerit : sed & si copiam Confessarij habeat , & temporis locique ratio ferat , confiteri quoque convenit.

### §. II.

*De his, quæ Parochum proximè disponunt ad Sacramentorum administrationem.*

**Q**UAMVIS Parochus Sacra-  
menta nec sano , nec in-  
fimo in particulari , offerre te-  
neatur extrà casum necessitatis  
& periculi in quo nisi monitus ea  
non susciperet : quando tamen  
hæc ab ipso petuntur , non so-  
lùm administrare debet petenti,  
sed etiam placidum , facilem &  
paratum se exhibere , quocun-  
que tempore ad illa admini-  
stran-

stranda evocetur. Neque unquam ipsi licet tergiversari , aut propter temporis importunitatem , vel negotium aliquod se excusare; multo minus decet pe- tentes durioribus verbis excipe- re , contra murmurare , vel vul- tum displicantis animi præsefer- re : eo quòd hæc Parochi moro- fitas sæpe timidores ita abster- rere soleat, ut Sacra menta petere vereantur etiam in casu , quo il- lis maximè sunt necessaria , at- que sic in apertum salutis suæ dis- crimen adducantur. Propter quam causam Rituale Roma- num tit. de Sacrament. in gene- re , omnino necessarium esse ju- dicat , ut Parochus aliquoties etiam in Cathedrâ suis Parochia-

K 6 nis

nis denunciet , se promptum pa-  
ratumque esse ad succurrendum  
omnibus & singulis , quacunque  
diei vel noctis horâ . Requirit  
quoquè hanc in administrandis  
Sacramentis promptitudinem ,  
& erga quaslibet personas in-  
differentiam à Parochis suis Cel-  
lissimus ac Reverendissimus N.  
in suo decreto Bambergæ edito  
6. Aprilis 1679. cum ait : *Vocati*  
*autem ad excipiendam Confessio-*  
*nem , præsertim rusticorum , Ru-*  
*dium infirmorum , & pauperum ,*  
*prompti comparebunt , juxta vo-*  
*luntatem enixam Christi Redemp-*  
*toris nostri qui cùm pro omnibus*  
*mortuus sit , omnibus in actuali*  
*culpâ Constitutis , ac emundari ex*  
*corde querentibus , per Sacra men-*

*tum*

tum hoc Passionis & mortis suæ  
preium applicari desiderat , ani-  
mam ex alicujus desidia vel morâ  
culpabili perditam , de perditoris  
manibus repetiturus. Præterea ut  
Patochus administrationem Sa-  
cramentorum cum majori de-  
votione & tūm adstantium tūm  
fusciplientium ædificatione pera-  
gat , requiritur *Primo* ut Cære-  
monias , si temporis ratio per-  
mittat , antea in libro Rituali  
prævideat. *Secundo* ut pro se &  
fusciplientibus DEUM precetur.  
*Tertio* ut per præviam rei Sacræ ,  
quam operaturus est Meditatio-  
nem se ad pietatem & de-  
votionem exci-  
tet.

§ III. De


## §. III.

*De his , quæ Parocho sunt obser-  
vanda, dum actu Sacra-  
menta  
administrat.*

**R**equirit dignitas Sacramen-  
torum & Sanctitas , ut Pa-  
rochus in administratione sin-  
gulorum quovis tempore ac die  
sit indutus superpelliceo vel Al-  
bâ, ac desuper stolâ ejus coloris ,  
quem Sacramenti ritus exposcit ;  
nisi in pœnitentia necessitas ,  
locus vel occasio aliter tulerit.  
*Secundo* ut unum saltem mini-  
strum pium & honestum, habitu  
decenti indutum , & linguæ La-  
tinæ ( si fieri possit ) aliqualiter  
peritum adhibeat, qui ipsi oranti  
nomine totius Ecclesiæ respon-  
deat :

deat : Excipitur tamen Sacra-  
mentum Pœnitentiæ, quod pro-  
pter Secretum Confessionis a-  
lium Ministrum præter Sacer-  
dotem non admittit. *Tertio* ut  
omnia Sacraenta ( exceptâ ite-  
rum pœnitentiâ ) cum lumine  
dispenset, ita quidem, ut in di-  
stributione Eucharistiæ præter  
lumen lampadis ante Taberna-  
culum perpetuò ardentis insu-  
per unus & alter Cereus accen-  
sus colluceat. *Quarto*, ut vestes,  
linteamina, vasa, & alia quæ ad-  
hiberi solent, sint integra, pura,  
nitida & munda. *Quinto* ut  
Cæremoniæ omnes & singulæ  
in Libro Rituali præscriptæ ob-  
serventur quam exætissimè,  
nullæque impertinentes addan-  
tur,

tur, vel præceptæ intermittantur. *Sextò* ut Orationes ex libro recitentur attentè, devotè, distinctè & clarâ voce. *Septimò* denique ut post peractam cuiuslibet Sacramenti administracionem Parochus se reflectat & indaget, num in aliquo errorem admiserit, quis ille, quæ ejus causa, & quomodo impostum evitari possit.



CA-

## CAPUT X.

### *De cura ovium scabiosarum.*

#### §. I.

*De Peccatoribus magis noxijs  
Christianæ Reipublicæ.*

**O**fficium boni Pastoris exigit, ut in peccatores intra suam Parochiam degentes inquirat, & vultum pecoris sui agnoscat: quæ enim Pastori superest excusatio, si lupus oves comedat, & Pastor ignoret? Sunt autem præcipue quatuor hominum imprimis noxiorum genera, circa quos singulari studio

dio invigilandum est Parocho ,  
ne hi pestem aliquam & morum  
corruptelam in Parochiam suam  
introducant. Primum genus est  
eorum , qui artibus supersticio-  
sis & magicis infames existunt ,  
quales non raro sunt custodes  
pecorum , fabri ferrarij , aniculæ ,  
& alij qui vel ad morbos in ho-  
minibus & animalibus sanandos  
varias usurpant superstitionum  
species ; vel jaſtant ſe cogno-  
ſcere futura & occulta , v. g. quis  
furtum in domo perpetraverit ,  
quò res ablata devenerit , quis ſit  
author morbi , damni dati &c.

Quos omnes Parochus vel ad  
meliorem frugem redire , vel ex  
ſuâ Parochiâ diſcedere jubebit ,  
in-

invocato etiam , si opus fuerit ,  
brachio sacerdotali : Reliquis vero  
suis parochianis severè interdi-  
cet , ne vel hos , vel etiam alios  
extra Parochiam habitantes post  
hac accedant.

Alterum genus est Hæretico-  
rum , circa quos Parocho obser-  
vanda sunt sequentia : *Primò* si  
tales in sua parochia incolas &  
cives inveniat , quos propter pa-  
cem publicam tolerare cogitur ,  
nullam diligentiam & indu-  
strial intermittere debet , eos  
ad gremium S. Matris Ecclesiæ  
reducendi : sunt enim oves illius  
errantes , & Curæ illius concre-  
ditæ , de cuius manibus DEUS  
olim illas repetet , si ex parte suâ  
ali-

aliquid deesse passus fuerit. Media autem convertendi Hæreticos ad fidem sunt Oratio ad DEUM, Missæ Sacrificium, vita Parochi exemplaris, conciones discretæ, conversatio & amica collocutio de rebus fidei, visita-  
tio in infirmitate &c. Quibus ad-  
hibitis si Parochus nihil efficere  
possit, saltem persuadere illis  
conetur, ut liberos suos in fide  
& Religione Catholicâ educari  
permittant. Secundò Si Hæreti-  
cus extraneus petat domicilium  
figere in Parochiâ, etiam pro ali-  
quo solùm tempore, parochus a-  
pud Magistratum, & eos, quorū  
interest, omnem lapidem mo-  
veat, ut intra fines parochiæ non  
admittatur. Præterea etiam in

li-

libros hæreticos & prohibitos inquirere debet , & cum aliquos deprehenderit, modum excogitare eos de medio tollendi, sine tumultu tamen, & pacis publicæ turbatione.

Tertium genus est Luparum & Meretricum , quæ pestes existunt Juventutis ; unde si Parochus tales aliquam irrepsisse in suam parochiam copererit , quantocyùs eam ejciat , invocato etiam , si per se non possit, sæculari brachio. Quod si verò filia quædam Parochialis turpisimâ hac infamiâ laboraret , parentes monendi sunt & Consanguinei , ut super filiam suam luxuriosam firment custodiam ,  
timen-

timentis DEUM Authorem omnis paternitatis , utpote cui olim strictissimam de liberorum suorum educatione rationem sunt reddituri. Si tamen etiam hi negligentes in officio suo fuerint, compelli debent per Magistratum sæcularem.


Vigilandum insuper est circa ludos, quos multis in locis Juventus habet obscenissimos , maximè ubi uterque sexus promiscuè colludit. Similiter circa turpes cantiones , si quæ in usu sint , & alia luxuriæ incitamenta & fomenta, quæ omnia magna cum dexteritate eliminare oportet.

Quar-

Quartum denique genus est vagorum & peregrinorum, qui de loco ad locum migrantes ordinariè vitijs & pessimis moribus sunt addicti. Circa quos proinde Parochus inquirat, num soluti sint, an Conjugati? cuius artis? Religionis? quasve literas habeant vitæ & conversationis suæ testes. Et quando malæ vitæ indicia in eis deprehendit, sine morâ è finibus suæ Parochiæ eos ejciat, ne aliquam morum corruptelam paulatim introducant.

\* \*

\*

§. II. *De*

## §. II.

*De modo corrigendi reliquos peccatores intra parochiam existentes.*

**U**T correctio finem suum sequatur , magnâ prudentiâ & circumspectione opus est : primò enim delicta publica sunt publicè & coram illis , ad quos notitia pervenit , corrigenda , ut scandalum è medio tollatur . Juxta monitum S. Pauli 1. Timoth. 5. Peccantes coram omnibus argue , ut & cæteri timorem habeam . In Concione tamen si hæc correctio fiat , persona non est nominanda . Secundò occulta delicta privatim & occultè etiam sunt corrigenda : ita enim mo-

monet Christus Matth. 18. Si autem peccaverit in te frater tuus, vade & corripe eum inter te & ipsum solum. Et Sanctus Augustinus Serm. 16. de verb. Apost. Si solus nosti, & vis coram pluribus arguere, non es corrector, sed proditor. Tertio qui peccarunt ex ignorantia & fragilitate, emendari debent cum magna charitate, modestia & lenitate, juxta illud Apostoli Galat. 6. Si præoccupatus fuerit homo in aliquo delicto, vos qui spirituales estis, hujusmodi instruite in Spiritu lenitatis. Plus enim proficit amica correptio, quam accusatio turbulenta, ut inquit S. Ambrosius lib. 8. in Lucam. Econtra vero qui ex malitia peccaverunt, vel

L

in

in peccato suo obstinati perseverant, durè & acriter sunt increpandi, ut monet idem S. Paulus ad Titum 1. *increpa illos durè, ut sani sint.* Qurtò Si conjuges coram Parocho se mutuò accusent, servanda est cautela, quam tradit S. Franciscus Xaverius his verbis : *Noli facilè conjugis alterius de altero querelis credere ; sæpè enim falluntur & fallunt, sed summâ animi æquitate utrumque audies, nec incognitâ causâ condemnabis alterutrum.* Hoc è dico, ut illis ad concordiam, tibi ad suspicionum fugam facilior pateat via. Coram uxore cave culpam conferas in maritum, quamvis haud dubiè penes illum sit culpa. *Omní curâ in id eris intentus, ne*  
( quod

( quod suspiciosissimum negotium est ) uxoris Patronus videaris. Itaque si culpabilis maritus, is amicè ac seorsim monendus est. Hæc ille.

Quintò deniq; observandum est tempus in corrigendo opportunum , & tūm sibi , tūm illi qui corrigen dūs est, congruum. Unde primò corrigi non debet , qui passione aliquā laborat, quia talis correptio finem suum non assequetur. Secundò corrigi etiam non debet , qui in ferve re & iracundiæ motu est constitutus , cum ab iracundo facile excedatur modus & regula Charitatis. *Ira enim viri justitiam DEI non operatur. Jac. i.*



## CAPUT XI.

*De Visitatione Infir-  
rum.*

## §. I.

*De necessitate hujus Visitationis*

**Q**uia hæc functio Parochorum non nihil difficultatis & molestiæ in se habet, multi Parochorum ab ea abhorrent, prætendentes sufficere, si infirmi Sacra menta acceperint, néq; officium Parochiale plus ab illis exigere: Verùm Mercenariorū hæc vox est, non bonorū Pastorum, quos Christus jubet ponere animam pro ovibus suis. *Joan. 10.* Neq; verum est sufficere infirmis

mis Sacra menta accepisse , sed  
insuper requiritur, ut gratiam &  
justitiam per Sacra menta accep-  
tam ad extre mum usq; vitæ Spi-  
ritum conser vent : qui enim per-  
severaverit usq; in finem, hic salvus  
erit. Matth. 24. Ad hanc autem  
perseverantiā s̄epe necessaria est  
assistentia Parochi propter ten-  
tationes & insultus Diaboli , qui  
tunc solent esse graviores & peri-  
culosiores , eò quod animus in-  
firmi ad resistendum sit debilior,  
tentator importunior , & lapsus  
irreparabilis. Væ terræ & mari ,  
(exclamat S. Joannes Apoc. 12.)  
quia descendit Diabolus ad vos ha-  
bens iram magnam , sciens , quod  
modicum tempus habeat : Neque  
enim dubium esse potest, quin

L 3 Dia-

Diabolus in illo agone conatus ,  
fraudes & insidias exerat , ut hoc  
breve tempus , quod animæ ad  
vitam superest , in rem suam be-  
nè iimpendat : Sicut videlicet  
hostis in obsidione urbis extre-  
ma quæq; tentat , quando tem-  
pus hybernum , in quo obsidio-  
nem solvere cogitur , appropin-  
quare advertit . Quapropter  
quantò major tunc est hostis In-  
fernalis conatus ad infirmum  
oppugnandum , tantò major de-  
bet esse Parochi industria , soli-  
citudo & vigilantia ad resisten-  
dum , cùm ex hoc momento  
pendere soleat morientis æterni-  
tas . Quid enim juvat naviculam  
multo labore ad portum usque  
perduxisse , si eam tunc naufra-  
gari ,

gari, & interire nauta permittat ? aut quis Parocho fructus ex omni labore suo , quem impendit in erudiendo , admonendo , & dirigendo peccatore , si eum in fine deserat, & ovem, quam tanta cura educavit , lupo infernali in prædam relinquat ? *Videte vosmetipso*s , ne perdatis , quæ operati estis , sed ut mercedem plenam accipiatis . 2. Joan. v. 8. Et quidem licet tale per periculum non semper sub esse soleat , utilis nihilominus & valde proficua erit infirmo ejusmodi parochi ad extremam usque luctam assistentia , ut scilicet ipso dirigente & adjuvante varios virtutum actus eliciat , per quos pro pœnis temporalibus in altera vita persol-

vendis satisfaciat : neque enim  
minus beneficium erit aliquem  
ab igne Purgatorij præservare ,  
quam per preces & Suffragia ibi-  
dem detentum liberare.

---

### §. II.

*De his , quæ Parocho observanda  
sunt inter accedendum ad in-  
firmum.*

**U**T visitatio Infirmi cum fru-  
ctu succedat , duo potissi-  
mum observanda sunt Parocho.  
Primum est , ut conetur prius in  
se excitare ardentissimum ze-  
lum & desiderium succurrendi  
animæ ad distriictum DEI judi-  
cium , & ad domum æternitatis  
suæ jam jam properanti: qui ze-  
lus

Ius suscitari poterit , si Parochus consideret , Primò , quantam hæc Visitatio consolationem adferre possit infirmo , dum in extrema illa necessitate videt se habere amicum verè fidelem , qui afflictum & dejectum erigat , dubitantि consulat , & ad felicem æternitatem dirigat . Secundò , quod omnis labor , cura & solicitude , quam haðenus istius hominis causâ suscepit , irrita omnino & sine fructu efficiatur , si ille vitæ suæ cursum infelicitate & in statu mortali finiat . Tertiò , quod omnis fructus Passionis , Sanguinis & mortis Christi respectu talis hominis pendeat ex unico hoc vitæ momento . Quartò quod hic idē In-

L 5

fir-

firm⁹ sit olim futurus ex numero illorum, à quibus in Judicio propter negligentiam suam sit accusandus. Alterum quod Parochus observare debet , dum Infirnum accedit , est , ut conetur eum sibi reddere benevolum , offerendo ei sua obsequia, significando suam erga ipsum benevolentiam & Charitatem, atque intermittendo , quidquid ipsum offendere & alienare potest. Unde mortem ipse infirmo facile non denunciet , nec sermo institutus longior sit vel clamosus , sed pauca quædam & selecta proponantur eaque suavitate aliquâ condiantur. Neque statim differendum de morte , vel Sacramentis , sed à rebus in-

dif-

differentibus discursum Parochus ordiatur, puta à morbi constitutione, miserijs hujus vitæ, domesticorum solicitudine, &c. Atque sic paulatim quasi insensibiliter eum transferat ad res Spirituales, ita ut non coactus videatur & violentus, sed naturalis.

## §. III.

*De his, quæ Parochus potissimum urgere debet apud Infirmum.*

**P**Rimum est, ut dimissis omnibus rerum temporalium curis solum cogitet de salute animæ suæ; Unde & domestici monendi sunt, ut si forte aliquid domi rurive agendum occur-

L 6. rat,

rat, infirmum propterea non inquietent, sed ipsi inter se, quod optimum factu videbitur, consultent. Secundum est, ut Infirmitus se imprimis exerceat in actibus perfectæ Contritionis, Amoris DEI super omnia, resignationis in Divinam voluntatem, Fidei, Spei, Gratitudinis, Patientiæ, &c. in quibus omnibus juvari & dirigi debet à Parrocho per certas formulas ex approbatis Authoribus selectas & excerptas. Tertium est, ut, si Testamentum fieri debeat, Parochus infirmum urgeat ad disponendum domi suæ, ipse tamen nec Testis sit, nec Notarius, (nisi modus testandi secundum SS. Canones alicubi, sicut

sicut in Diœcesi Bambergensi,  
receptus sit ) multòminus sua-  
deat, quid huic vel illi in Testa-  
mento legandum , ne innume-  
ris se tricis implicit , & aliquo-  
rum odium sine necessitate in-  
currat. Præterea explorabit e-  
tiam apud domesticos , quæ sit  
infirmi dispositio & animi con-  
stitutio , num videlicet non sit  
pusillanimis , salutis suæ negli-  
gens , præsumptuosus , justo a-  
mantior vitæ suæ , bonis tem-  
poralibus addictus , solicitus de  
liberis suis post se relinquen-  
dis , &c. Ut hac ratione illius  
tentationibus obviare , & media  
convenientia adhiberi  
possit.

CA-



## CAPUT XII.

*De Scholis Trivialibus.*

**Q**uanti intersit Christianæ Reipublicæ , & ipsius Juventutis, ut hæc à teneris annis in fide & bonis moribus eruditatur , testatur præter quotidiam experientiam tot Sanctorum virorum studium & labor , quem hac in parte collocârunt. Bonum est enim Viro , cum portaverit jugum ab adolescentiâ suâ. Thren. 3. Et adolescens juxta viam suam etiam cum senuerit , non recedet ab eâ. Proverb. 22. Præter Catecheticam autem instructionem , de quâ suprâ diximus,

PARS

mus, non ali portuna er occasio, quæ hinc in & villis pa rectæ , ita gentem ea voluerit , b morum fa chiam cum re possit. Co potissimum Primò pro cho, ut no sse Paroch pagis filiali Triviales nondum f gisti idon ciente doc

mus, non alia se offert magis op-  
portuna erudiendæ juventutis  
occasio, quàm Scholæ Triviales,  
quæ hinc indè in oppidis, pagis  
& villis passim inveniuntur e-  
rectæ , ita ut , si Parochus dili-  
gentem earum curam habere  
voluerit , haud difficulter aliam  
morum faciem in suam Paro-  
chiam cum tempore introduce-  
re possit. Consistit verò hæc Cura  
potissimum in sequentibus :  
*Primò* providendum est Paro-  
cho, ut non solum in loco Eccle-  
siæ Parochialis , verùm etiam in  
pagis filialibus ejusmodi Scholæ  
Triviales ergantur , si haec tenus  
nondum fuerint erectæ ; & Ma-  
gистri idonei , qui videlicet suffi-  
ciente doctrinâ & morum pro-  
bi-

bitate sunt prædicti, eisdem præficiantur. Secundò instandum est apud Parentes, hiquè obsecrandi, arguendi, & increpandi cum omni dexteritate & discretione, ut liberos suos ad dictas Scholas missitare, eamque gratiam præstare illis velint, quam sibi olim in juventute à parentibus suis præstitam esse jam sæpiùs exoptarunt. Tertiò in Scholis pueri à puellis separandi, ita ut, si forte distincta conclavia non haberant, saltem terga sibi obvertant, & nec familiariùs inter se agere, nec oculos in se mutuò conjiceret possint. Quartò, certus exercitiorum ordo præscribendus est, ita quidem ut antè initium & post finem Scholarum à juven-


ventute semper recitentur cæ  
preces, quas manè & vesperi, an-  
tè & post mensam, ad sonitum  
horæ & ante labores ex Chri-  
stianâ consuetudine dici oportet,  
ut sic paulatim mentem sæ-  
piùs per diem elevare ad DEUM,  
& operibus suis sanctam inten-  
tionem præfigere omnes addi-  
scant. Quintò, præter quoti-  
diana exercitia instruendi etiam  
sunt liberi in primis fidei Catho-  
licæ rudimentis, moribus Chri-  
stiano homine dignis, & Sacris  
**Canticis**, quibus se olim in-  
ter laborandum solari & ad pie-  
tatem excitare valeant, nec  
non in Ecclesiâ & Processioni-  
bus cum alijs DEUM laudare.  
Sextò denique Scholæ sæpijls,

&amp;


& ad minimum semel in qualibet hebdomade visitandæ sunt à Parocho , tūm ut Ludirector in officio suo contineatur , tūm etiam, ut , si quæ corrigenda occurrant , mature emendari possint. Caveat tamen Parochus, ne frequentando Scholas per nimiam cum Ludimastro vel domesticis ejus familiaritatem fortassis auctoritatem suam vel famam prostituat : plurimum enim ejusmodi familiaritas obesse solet bono communi, & ipsi etiam Parocho. Sunt ex Ludimistris , qui singulos Parochi errores & defectus , quos inter familiarem conversationem notant , in certum quendam libellum fideliter referunt , eo scilicet

cet fine , ut si fortè propter suam  
inscitiam , vel scandalosam vi-  
tam à Parocho deferendi & ab-  
rogandi essent , ipsum per ob-  
jectionem commissorum defe-  
ctuum à deferendo absterreant.  
**U**nde postea accidit, ut imperiti  
& scandalosi ejusmodi homines  
in officio suo tolerari & foveri  
à Parocho debeant , non sine  
magno Reipublicæ & juventutis  
detrimento. Meminerit itaq; Pa-  
rochus non incongruè accom-  
modari posse ludirectoribus il-

lud *Matthæi* 10. *Inimici ho-*  
*minis domestici*  
*ejus.*



C A -



## CAPUT XIII.

*De Processionibus.*

Fructus qui ex Processionibus & peregrinationibus ad loca pia sequi potest , præcipue triplex est : Primò cedunt in gloriam DEI , & Sanctorum suorum honorem. Secundò opus sunt pœnale & laboriosum , ad eoque pro peccatis & pœni temporalibus satisfactorium. Tertiò frequenter in illis per intercessionem Sanctorum certa à DEO beneficia impetramus , & DEI flagella à Patria , domibus , ac cervicibus nostris avertimus , quomodo avertisse legimus sanctum

Etum Greg  
tos fructu  
certius con  
vanda sun  
alia in Eccl  
fiones ordi  
que in rede  
dem in itin  
Parocho in  
talis, ut in  
te post Cr  
innocentes  
ribus adhu  
tamen & p  
propter viti  
centiam d  
& à Proph  
reliquis ad  
convocant  
cale jejuniu

ctum Gregorium. Ut verò di-  
ctos fructus ex Processionibus  
certius consequamur , obser-  
vanda sunt aliqua in itinere ,  
alia in Ecclesiâ ad quam Proces-  
siones ordinantur , alia deni-  
que in redeundo. Et primò qui-  
dem in itinere instituendus est à  
Parocho inter Personas Ordo-  
talis , ut in primâ acie immedia-  
tè post Crucifixum parvuli &  
innocentes , milites quidem vi-  
ribus adhuc imbecilles , validi  
tamen & potentes apud DEUM  
propter vitæ puritatem & Inno-  
centiam deprecatores : Unde  
& à Propheta Joële *cap. 2.* cum  
reliquis ad placandum DEI iram  
convocantur , cum ait : *Sanctifi-*  
*cate jejunium , vocate cœtum , con-*  
*gre-*

gregate populum , sanctificate Ecclesiam, coadunate senes, congregate parvulos , & fugentes ubera. Post illos sequatur Parochus , medius inter adultos & pusillos, velut Aaron quidam inter vivos & mortuos , hoc est inter innocentes & peccatores & quasi victimæ quædam onerata proprijs & populi delictis cum Ecclesia ingeminet illa Prophetæ verba : *Parce Domine , parce populo tuo , & ne des hæreditatem tuam in opprobrium , Miserere populo tuo , quem redemisti Sanguine tuo , &c.* Parochum subsequantur adulti pulchro ordine bini ac bini incidentes , confitentes se peccatores , & cum alio Prophetâ clamantes : *Peccavimus , iniquitatem*

tem fecimus, impiè egimus, & re-  
cessimus à mandatis tuis. Daniel. 9.  
Postremo loco incedat devotus  
fœmineus sexus, servans eun-  
dem quem Viri ordinem, & si-  
mul cum illis misericordiam  
à DEO efflagitans. Ordine Pro-  
cessionis sic constituto Parochus  
præterea in id incumbat, ut om-  
nes ac singuli in Spiritu veræ  
humilitatis & pœnitentiæ pro-  
cedant, externam corporis mo-  
destiam & gravitatem ad alio-  
rum ædificationem præferentes,  
in via à risu, confabulatione, &  
curiosâ oculorum evagatione  
abstineant, & nunc cantando,  
nunc etiam orando tempus fal-  
lant; ne forte ipsi in vana col-  
loquia dilapsis peregrinatio fiat  
in

in peccatum. Porrò in ipso loco vel Ecclesia , ad quam Proces-  
sio fuit instituta , videat Parochus ut omnes sacrificio Missæ  
& verbi divini prædicationi de-  
votè intersint ; neque sub divi-  
no officio pro negotiorum suo-  
rum executione hoc illucque  
discurrant , aut ( quod non in-  
fitequens est ) in cauponâ co-  
messationibus vacent. Denique  
in reditu servanda est eadem in  
incessu modestia , & inter oran-  
dum sive psallendum devotio ,  
sicut in accessu. Ipse Parochus  
quoque tanquam bonus Pastor  
in ordine cum Ovibus suis redi-  
re non intermittat , ne qua forte  
ex absentia illius confusio in iti-  
nere oriatur , & loco Orationis  
vel

vel cantus detractionia aut saltem  
vana ab aliquibus colloquia mi-  
sceantur : Neque enim appro-  
bandus videtur eorum Parochio-  
rum mos & consuetudo , qui di-  
misso cum Cruce & vexillis po-  
pulo ipsi in loco peregrinationis  
remanent cum amicis ibidem  
pransuri.



## CAPUT XIV.

### *De Conversatione.*

#### §. I.

*De Qualitatibus, quas Conversatio  
Parochi habere debet.*

PRæter ea , quæ suprà diximus  
de fugâ Conversationis sæ-  
cularis, addendum hic est, quod

M

Con-

Conversatio Parochi debeat esse  
*Rara*, ne familiaritas contemp-  
tum pariat; *Brevis*, ne in sæcula-  
rem degeneret; *Casta*, & ab om-  
ni loquendi modo, qui speciem  
alicujus impuri affectūs præferre  
possit, quām longissimè remota;  
*Gravis*, quæ sæculares jocos, ver-  
ba ridicula & nugatoria non  
contineat; *Suavis*, & sine ver-  
borum aculeis, convitijs & con-  
tentioñibus: *Servum enim Do-*  
*mini non oportet litigare, sed man-*  
*suetum esse ad omnes.* 2. *Timoth.* 2.  
Inprimis verò advertendum est  
Parocco, quibus cum converse-  
tur: Sunt enim duo hominum  
genera, quæ à suâ conversatione  
arcere debet: Primum est fæmi-  
narum extranearum, cum hisce  
enim

enim non nisi in casu necessitatis inevitabilis loquendū est brevissimè, & quidem in loco publico, in præsentia alicujus honesti viri, ut Parochi famæ hoc modo consulatur. Alterum genus est eorum virorum, qui apud probos malæ famæ sunt, juxta illud S. Hieronymi ad Nepot. *Tales habeto socios, quorum contubernio non infameris.*

---

§. II.

*De Modo conversandi cum Præfectis locorum.*

**C**um Parocho sæpissimè opus sit brachio sæculari ad coercendos Dyscolos, ita cum Præfectis locorum & Magistratibus

conversari studebit, ut eorum animos nunquam non propensos sibi habeat & addictos, juxta illud monitum S. Francisci Xaverij; *Oppidorum Praefectis dicto audiens eris, obsequioque omni, quo ad ejus fieri potest, familiaritate devincies eorum animos; neque ullam de causâ quamvis justâ in eorum offensionem atque odium incurres.* Et Eccli. 38. *Honora Medicum propter necessitatem.* Potest verò hæc cum locorum Praefectis amicitia & propensio acquiri & conservari. Primò si Parochus quantum Status illius ratio permittit, coram illis se nonnihil humiliet, & dictis factisque fidem faciat, nihil sibi esse potius, quām illis in omnibus gratificari. Secundò

cundò si in absentiâ valdè hono-  
rifícè de illis loquatur , disposi-  
tiones eorum commendet , pru-  
dentiam extollat , & coram de-  
trahentibus illos meliori , quo  
potest , modo defendat & excu-  
set . Tertiò si , quam primùm ali-  
quam animi alienationem in il-  
lis advertit , eos in mansuetudi-  
ne conveniat , suam innocen-  
tiā ostendat simulque roget ,  
ut malevolorum relationibus fi-  
dem tam facile præbere non ve-  
lint , per magni siquidem refert ,  
ut aversiones animorum mature  
tollantur , priusquam radices  
agant , si enim semel firmiter ra-  
dicatæ fuerint , nullus dissidio-  
rum & diffidentiæ

erit

F I N I S.